



BIBLIOTHECA
UNIVERSITATIS
JAGIELLO-
CRACOVENSIS

kat.komp.

43168


Mag. St. Dm.


I



43168

~~Odder St. Brak.~~





43168

Richstadius

PROGRAMMA

Hoc lectionibus Anatomies Culto-
ribus ac Studiosis omnibus & singulis cum
debita observantia Amoreque
officioso

S D P.

43168
1



Medyc. pol. 2949

1768

DEus,unicus & summus omnium rerum Conditor, non solum
in Coelis, Elementis, Plantis, Metallis, & Brutis Animanti-
bus vestigia suæ sapientiæ & potentiæ, sed & in ipso Homine,
tanquam Microcosmo & omnium animantium magniq;
Mundi perfectione & Complemento, omnibus Philosophiæ cultori-
bus luculenter ostendere voluit: Siquidem is præ cæteris animali-
bus secundum Naturam Universi quoad superiores & inferiores
partes est dispositus, teste illo Genio & Interprete Naturæ Aristote-
le lib. 8. Phylis. c. 2. text. 18. Et lib. 1. hist. Animal. c. 15. Quamob-
rem nos idem Philosophus l. 1. de partibus Animal. c. 5 juberet aggre-
di sine ullo pudore, Hoc naturæ humanæ Numen, ubi nihil temerè,
nihil fortuitum; sed omnia alicujus Boni, Pulchri & Honesti gratiâ
facta esse deprehendimus: At verò non aliter, nisi per Admini-
strationem Anatomicam, humani corporis partes, ossa, cartilagi-
nes, ligamenta, membranas, fibras, cutem, carnem, vasa, humores,
pinguedinem, medullam, & omnia instrumentalia membra ex hisce
composita, neq; eorum substantiam, temperamentum, magnitu-
dinem, numerum, figuram, situm, nexum inter se, actionem, & usum,
nec non diversitatem ab animalibus irrationalibus cognoscere pos-
sumus. Hinc quovis tempore Naturæ Amatores & Medici non tan-
tùm bruta sed & Cadavera humana excoriare, exenterare, evisce-
rare, deartuare & exossare haudquaquam sunt veriti, ut hominis
conformationem legitimam, causas morborum & occultorum affe-
ctuum inde discerent, bonumq; Medicum in usum hominum col-
locupletarent. Etenim sine Anatomies exercitio debito manca
& mutila evadit universa Medicina, Quippe licet in reliquis anima-
libus, simiis, canibus, ovibus, felibus &c. aliquid simile humani cor-
poris membris inveniantur: Tamen in multis partibus sæpe inter
hominis brutiq; animantis membra visceraq; notabile occurrit di-
scrimen, ita ut ex hominis structura, Dei, Conditoris omnium, ad-
miranda sapientia, infinita potentia & nunquam satis prædicanda
bonitas in primis eluceat. Hinc instituto nostro hosce versus Juve-
nalis Poetæ lib. 4. Satyræ 2. vers. 24. & seq. meritò possumus ap-
plicare:

Despi-

Despicimus, qui scit, quantum sublimior Atlas
Omnibus in Lybiæ sit montibus, is tamen idem
Ignoret, quantum à reliquis animalibus absit
Unus homo, cœlis descendit *γῶθι σεαυτὸν.*

Ob hosce præclaros fines hodie Magistratus passim Anatomica exercitia concedūt, & cadavera humana jubent dissectionibus subiici, & ab omnibus inspicī. Imò compertum est, Regibus in Ægypto olim fuisse studiū scrutari & inspicere corpora mortuorum hominum causasq; valetudinum occultā fide cognoscere, sicut Plinius lib. XIX Nat. Hist. c. 5, author est. Propterea olim Alexandrina Schola etiam ob studiū Anatomicum fuit celebrata & à Galeno suo tempore lib. 1. de Anatom. Admin. c. 2. & lib. 2. ejusdem c. 1. Medicinæ Studiofis serid commēdata, ut eò hujus solius rei discendæ gratiā proficiscerentur. Hujus enim Gymnasii Extimius Anatomicus olim fuisse perhibetur Herophilus, qui, ut omnia in homine cognosceret, ad sexcenta cadavera dissecuit, Celso in præmio de re Med. Tertulliano lib. de Anima c. 10. & 25. ut & Galeno lib. de Dissec. vulvæ cap. 5. referentibus, Et si vero hīc Anatomici cernant sæda, insvavia contrectent, & sæpe ex alienis miseriis proprias molestias capiant, monente Hippocr. lib. de flatibus: Nihilominus tamen etiam hic voluptas quædā animi ex consideratione legitimæ partium conformationis, figuræ decentis, numeri & situs convenientis, magnitudinisq; justæ percipitur, quā Aristot. l. 1. d. part. Animal. c. 5, *ἀνιχνεύειν* vocat. Hanc ob causam etiam factum est, quod Magnificus Senatus & Amplissimi Scholarchæ jam ante 50. ferme annos hīc Dantiscei in Gymnasio nostro Scholam Anatomicam adaperuerint, quemadmodum Excellent. Physicus & Anatomicus olim D. Joach Olhavius in Disputatione publica An. 1613. de Abdominis continentibus partibus habitā, meminit Proinde & nunc munifici Domini Scholarchæ & æquissimi Judices literariæ rei & studio Anatomico bene cupientes nobis hunc locum & subiectum Anatomicum indulgent, ut & imposterum in hoc studio feliciter versari queamus: Id quod meritò gratā mente agnoscimus & ideo hīc publicè prædicamus. Itaq;
ad

ad inspectionem & considerationem hujus subje&ti omnes omnium
ordinum Naturalis scientiæ & Anatomix Cultores, eò, quo parest,
observantiæ debitiq; honoris cultu & affectu invitamus, ut & Stu-
diosos Gymnasii nostri ad contemplationem suæ naturæ hoc pro-
grammate excitamus, & ad colendum illud studiû seriò hortamur.

Incipiemus autem ostendere partes singulas per Anatomen re-
texendas hujus cadaveris humani d. 15. feriâ 4. præsent. Mensis Mart.
ab horâ secunda Pomeridiana usq; ad quartam, & subsequentibus
diebus iisdem horis hanc cœptam telam pergemus detexere, donec
integram compagem absolverimus. Quod ad meam attinet imbe-
cillitatē, equidem fateor, me onus multò majus, quam virium mea-
rum infirmitas permittit, subire; Nihilominus tamen quum & Cl.
Medici & Chirurgi mihi succurrere velint, idcirco mei muneris esse
duxi, eò progredi, quò conjunctæ nostræ operæ nos ire velint. Cæ-
terû quum in omnibus Academiis & Gymnasiis more receptum sit,
ut spectatores hujus exercitii, qui non sunt ex ordine Amplissimi
Magistratus, Judicum, Ministerii Ecclesiastici, & literario, suam
Tesseram adferant, ne quisvis citra delectum admittatur; Ideoq;
ex benignâ concessione Dominorum Scholarcharum hi ab Anato-
mes Professore petant tesseram aliquo ære redimendam, & dictâ
horâ secundâ pomeridianâ in Gymnasio Gedanensi Auditorium
Anatomicum adeant. Deo autem, *μεγίστω* rex *ὑμῶν* rerum omnium,
felicem successum hujus qualiscunq; exercitationis Anatomicæ
devotè commendamus.


P. P. Gedani, die 14. Martij feria 3.


Anno Æra Chr. 1651.

LAVRENTIUS EICHSTADIUS, D.

105 0 30







Biblioteka Jagiellońska



stdr0012627

